



Broj: 02-04-2781/20-AP-8
Datum: 05.01.2022. godine

Na osnovu člana 6. i 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13), člana 10. i 15. Privremene Statutarne Odluke Grada Zavidovići („Službeni glasnik Općine Zavidovići“, broj: 4/2022) i člana 25. Statuta Općine Zavidovići („Službeni glasnik Općine Zavidovići“, broj: 5/2008, 5/a/2008 i 11/2019), Gradsko vijeće Zavidovići, na __. sjednici održanoj dana __. __. 2023. godine, donosi

O D L U K U

o standardima, kriterijima, postupku izbora i konačnog imenovanja
na upražnjene pozicije u reguliranim organima Grada Zavidovići

DIO PRVI - OPĆE ODREDBE

Član 1. (Predmet)

Ovom Odlukom utvrđuju se standardi, kriteriji, postupak izbora i konačnog imenovanja na upražnjene pozicije u reguliranim organima Grada Zavidovići.

Član 2. (Uvjeti za imenovanje / nominiranje)

Pozicije u reguliranim organima u kojim Grad Zavidovići ima prava i dužnosti odgovornog javnog službenika u skladu sa članom 2. stav (1) tačka 1.6. Zakona o ministarskim, vladinim i drugim imenovanjima Federacije Bosne i Hercegovine su:

- a) JKP „Radnik“ d.o.o. Zavidovići za pozicije:
- 1) direktora,
 - 2) predsjednika i članove Skupštine,
 - 3) predsjednika i članove Nadzornog odbora.
- b) Razvojnoj agenciji „RAZ“ d.o.o. Zavidovići za pozicije:
- 1) direktora,
 - 2) predsjednika i članove Skupštine,
 - 3) predsjednika i članove Nadzornog odbora.
- c) JU „Dom zdravlja“ Zavidovići za pozicije:
- 1) direktora,
 - 2) predsjednika i članove Upravnog odbora.

d) JU „Centar za socijalni rad“ Zavidovići za pozicije:

- 1) direktora,
- 2) predsjednika i članove Upravnog odbora,
- 3) predsjednika i članove Nadzornog odbora.

e) JU „Kulturno sportski centar“ Zavidovići za pozicije:

- 1) direktora,
- 2) predsjednika i članove Upravnog odbora,
- 3) predsjednika i članove Nadzornog odbora.

f) JU „Javna biblioteka“ Zavidovići za pozicije:

- 1) direktora,
- 2) predsjednika i članove Upravnog odbora,
- 3) predsjednika i članove Nadzornog odbora.

g) JU „Gradski dječiji vrtić“ Zavidovići za pozicije:

- 1) direktora,
- 2) predsjednika i članove Upravnog odbora,
- 3) predsjednika i članove Nadzornog odbora.

h) Gradsko pravobranilaštvo Zavidovići za pozicije:

- 1) gradskog pravobranioca,
- 2) zamjenika gradskog pravobranioca.

Član 3. (Opći uvjeti)

(1) Opći uvjeti za imenovanja na upražnjenu poziciju u reguliranim organima Grada Zavidovići su:

- a) da je državljanin Bosne i Hercegovine,
- b) da je stariji od 18 godina,
- c) da nije otpušten iz državne službe kao rezultat disciplinske mjere (bilo na nivou države ili entiteta) u periodu od tri godine prije dana objavljivanja upražnjene pozicije,
- d) da se na njih ne odnosi član IX.1. Ustava Bosne i Hercegovine,
- e) da nije na funkciji u političkoj stranci u smislu člana 5. Zakona o ministarskim, vladinim i drugim imenovanjima Federacije Bosne i Hercegovine,
- f) da nije član organa zakonodavne, izvršne ili sudske vlasti ili savjetnik u smislu Zakona o sukobu interesa u organima vlasti u Federaciji Bosne i Hercegovine („Službene novine Federacije Bosne i Hercegovine“, broj: 70/08),
- g) da nema privatni i / ili finansijski interes u reguliranom organu u koji se kandiduje,
- h) da nije osuđivan za krivično djelo nespojivo sa imenovanjem na dužnost u reguliranom organu u koji se kandiduje, pet godina od dana pravosnažnosti presude, isključujući vrijeme zatvorske kazne,
- i) da mu nije izrečena zaštitna mjera zabrane obavljanja aktivnosti i tri godine nakon isteka vremenskog perioda trajanja izrečene zaštitne mjere.

(2) Dokaze iz stave (1) pod tačkom h) i i) ovog člana dostavljaju samo kandidati koji budu predloženi za konačna imenovanja.

DIO DRUGI - POSEBNI UVJETI ZA IMENOVANJE NA POZICIJE U REGULIRANIM ORGANIMA GRADA ZAVIDOVIĆI

Član 4. (Posebni uvjeti)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. ove Odluke propisani su u članu 5. do 15. ove Odluke.

(2) Prilikom procjene posebnih uvjeta i kriterija navedenih za upražnjene pozicije izrazit će se u bodovima od 1-5. u tabelarnom pregledu iz anaksa „A“ ove Odluke i čini sastavni dio Odluke iz člana 12. stav (1) Zakona o ministarskim, vladinim i drugim imenovanjima Federacije Bosne i Hercegovine.

POGLAVLJE I - JKP „RADNIK“ D.O.O. ZAVIDOVIĆI

Član 5. (Posebni uvjeti za imenovanje na upražnjene pozicije u JKP „RADNIK“ d.o.o.)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka a) ove Odluke su:

- a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova,
- b) najmanje tri godine radnog iskustva nakon sticanja visoke stručne spreme na poslovima visoke stručne spreme,
- c) da nije član nadzornog ili upravnog odbora, odnosno odbora za reviziju nekog privrednog društva ili institucije,
- d) da nije vlasnik ili član uprave privrednog društva ili institucije,
- e) da ima završeno usavršavanje u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala,
- f) sposobnost za savjesno i odgovorno obavljanje dužnosti upražnjene pozicije,
- g) sposobnost nepristrasnog donošenja odluka,
- h) stručno znanje iz oblasti rada i organizacije privrednih društava i / ili institucija,
- i) komunikacijske i organizacijske sposobnosti,
- j) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,
- k) sposobnost upravljanja finansijskim i ljudskim resursima,
- l) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Izuzetno od prethodnog stava ovog člana, predsjednik i članovi Skupštine JKP „Radnik“ d.o.o. Zavidovići nisu obavezni ispunjavati uslov iz tačke e).

(3) Kandidati koji se prijavljuju na javni oglas, a koji ne posjeduju sertifikat, mogu se izjavom ovjerenom kod nadležnog organa obavezati da će u roku od šest mjeseci proći stručno usavršavanje i steći sertifikat o završenom usavršavanju, odnosno dostaviti važeće uvjerenje o statusu kandidata u postupku usavršavanja iz člana 7a. Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala.

(4) Prilikom procjene posebnih uvjeta, kriteriji navedeni pod tačkama od f) do l) stava (1) ovog člana izrazit će se u bodovima od 1-5.

POGLAVLJE II - RAZVOJNA AGENCIJA „RAZ“ D.O.O. ZAVIDOVIĆI

Član 6.

(Posebni uvjeti za imenovanje na upražnjene pozicije u Razvojnoj agenciji „RAZ“ d.o.o.)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka b) ove Odluke su:

- a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova,
- b) najmanje tri godine radnog iskustva nakon sticanja visoke stručne spreme na poslovima visoke stručne spreme,
- c) da nije član nadzornog ili upravnog odbora, odnosno odbora za reviziju nekog privrednog društva ili institucije,
- d) da nije vlasnik ili član uprave privrednog društva ili institucije,
- e) da ima završeno usavršavanje u skladu sa Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala,
- f) sposobnost za savjesno i odgovorno obavljanje dužnosti upražnjene pozicije,
- g) sposobnost nepristrasnog donošenja odluka,
- h) stručno znanje iz oblasti rada i organizacije privrednih društava i / ili institucija,
- i) komunikacijske i organizacijske sposobnosti,
- j) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,
- k) sposobnost upravljanja finansijskim i ljudskim resursima,
- l) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Izuzetno od prethodnog stava ovog člana, predsjednik i članovi Skupštine Razvojne agencije „RAZ“ d.o.o. Zavidovići nisu obavezni ispunjavati uslov iz tačke e).

(3) Kandidati koji se prijavljuju na javni oglas, a koji ne posjeduju certifikat, mogu se izjavom ovjerenom kod nadležnog organa obavezati da će u roku od šest mjeseci proći stručno usavršavanje i steći certifikat o završenom usavršavanju, odnosno dostaviti važeće uvjerenje o statusu kandidata u postupku usavršavanja iz člana 7a. Uredbe o usavršavanju predsjednika i članova nadzornih odbora i uprava privrednih društava sa učešćem državnog kapitala.

(4) Prilikom procjene posebnih uvjeta, kriteriji navedeni pod tačkama od f) do l) stava (1) ovog člana izrazit će se u bodovima od 1-5.

POGLAVLJE III - JU „DOM ZDRAVLJA“ ZAVIDOVIĆI

Član 7.

(Posebni uvjeti za imenovanje direktora)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka c) alineja 1) ove Odluke su:

- a) VSS, VII stepen stručne spreme; medicinski, stomatološki odnosno farmaceutsko-biohemijski fakultet ili visoko obrazovanje drugog ili trećeg ciklusa Bolonjskog sistema studiranja sa najmanje 360 ECTS bodova medicinskog i stomatološkog smjera ili farmaceutsko-biohemijskog smjera sa namjenje 300 ECTS bodova,
- b) posjeduje jednu od specijalizacija iz okvira djelatnosti doma zdravlja ili završen medicinski fakultet sa specijalizacijom iz socijalne medicine, organizacije i ekonomike zdravstva,
- c) posjedovanje znanja o zdravstvenom menadžmentu, i to sva tri nivoa edukacije u skladu sa propisom o kontinuiranoj profesionalnoj edukaciji iz zdravstvenog menadžmenta, odnosno

završenoj specijalizaciji iz zdravstvenog menadžmenta ili završenom postdiplomskom studiju iz zdravstvenog menadžmenta.

d) najmanje pet godina radnog iskustva u struci,

e) da nije član nadzornog ili upravnog odbora, odnosno odbora za reviziju nekog privrednog društva ili institucije,

f) da nije vlasnik ili član uprave privrednog društva ili institucije,

g) sposobnost za savjesno i odgovorno obavljanje dužnosti upražnjenje pozicije,

h) sposobnost nepristrasnog donošenja odluka,

i) stručno znanje iz oblasti rada i organizacije privrednih društava i / ili institucija,

j) komunikacijske i organizacijske sposobnosti,

k) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,

l) sposobnost upravljanja finansijskim i ljudskim resursima,

m) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Prilikom procjene posebnih uvjeta, kriteriji navedeni pod tačkama od g) do m) stava

(1) ovog člana izrazit će se u bodovima od 1-5.

Član 8.

(Posebni uvjeti za imenovanje predsjednika i članova upravnog odbora)

Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka c) alineja 2) ove Odluke su:

a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova,

b) najmanje tri godine radnog iskustva nakon sticanja visoke stručne spreme na poslovima visoke stručne spreme,

c) da nije član nadzornog ili upravnog odbora, odnosno odbora za reviziju nekog privrednog društva ili institucije,

d) da nije vlasnik ili član uprave privrednog društva ili institucije,

e) sposobnost za savjesno i odgovorno obavljanje dužnosti upražnjenje pozicije,

f) sposobnost nepristrasnog donošenja odluka,

g) stručno znanje iz oblasti rada i organizacije privrednih društava i / ili institucija,

h) komunikacijske i organizacijske sposobnosti,

i) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,

j) sposobnost upravljanja finansijskim i ljudskim resursima,

k) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Osim posebnih uslova propisanih u stavu (1) ovog člana, jedan kandidat za člana Upravnog odbora JU „Dom zdravlja“ Zavidovići mora biti ispred stručnih radnika zdravstvene ustanove i jedan predstavnik ispred Ministarstva zdravstva Zeničko-dobojskog kantona.

(3) Kandidati za člana Upravnog odbora JU „Dom zdravlja“ Zavidovići ispred stručnih radnika JU „Dom zdravlja“ Zavidovići mogu biti zdravstveni radnici VII stepena stručne spreme sa završenom specijalizacijom i moraju ispunjavati posebne uslova propisane u stavu (1) ovog člana.

(4) Ministarstvo zdravstva Zeničko-dobojskog kantona provodi kompletan postupak izbora svog predstavnika u Upravnom odboru JU „Dom zdravlja“ Zavidovići, te podatke o izabranom predstavniku dostavlja Gradu Zavidovići kako bi se izabrano lice uvrstilo u akt o konačnom imenovanju.

(5) Prilikom procjene posebnih uvjeta, kriteriji navedeni pod tačkama od e) do k) stava (1) ovog člana izrazit će se u bodovima od 1-5.

POGLAVLJE IV - JU „CENTAR ZA SOCIJALNI RAD“ ZAVIDOVIĆI

Član 9.

(Posebni uvjeti za imenovanje na upražnjene pozicije u JU „Centar za socijalni rad“ Zavidovići)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka d) ove Odluke su:

- a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova,
- b) najmanje tri godine radnog iskustva nakon sticanja visoke stručne spreme na poslovima visoke stručne spreme,
- c) da nije član nadzornog ili upravnog odbora, odnosno odbora za reviziju nekog privrednog društva ili institucije,
- d) da nije vlasnik ili član uprave privrednog društva ili institucije,
- e) sposobnost za savjesno i odgovorno obavljanje dužnosti upražnjene pozicije,
- f) sposobnost nepristrasnog donošenja odluka,
- g) stručno znanje iz oblasti rada i organizacije privrednih društava i / ili institucija,
- h) komunikacijske i organizacijske sposobnosti,
- i) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,
- j) sposobnost upravljanja finansijskim i ljudskim resursima,
- k) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Osim posebnih uslova propisanih u stavu (1) ovog člana, jedan kandidat za člana Upravnog odbora JU „Centar za socijalni rad“ Zavidovići mora biti ispred stručnih radnika Javne ustanove JU „Centar za socijalni rad“ Zavidovići.

(3) Prilikom procjene posebnih uvjeta, kriteriji navedeni pod tačkama od e) do k) stava (1) ovog člana izrazit će se u bodovima od 1-5.

POGLAVLJE V - JU „KULTURNO-SPORTSKI CENTAR“ ZAVIDOVIĆI

Član 10.

(Posebni uvjeti za imenovanje na upražnjene pozicije u JU „Kulturno-sportski centar“ Zavidovići)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka e) ove Odluke su:

- a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova,
- b) najmanje tri godine radnog iskustva nakon sticanja visoke stručne spreme na poslovima visoke stručne spreme,
- c) da nije član nadzornog ili upravnog odbora, odnosno odbora za reviziju nekog privrednog društva ili institucije,
- d) da nije vlasnik ili član uprave privrednog društva ili institucije,
- e) sposobnost za savjesno i odgovorno obavljanje dužnosti upražnjene pozicije,
- f) sposobnost nepristrasnog donošenja odluka,
- g) stručno znanje iz oblasti rada i organizacije privrednih društava i / ili institucija,

- h) komunikacijske i organizacijske sposobnosti,
- i) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,
- j) sposobnost upravljanja finansijskim i ljudskim resursima,
- k) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Osim posebnih uslova propisanih u stavu (1) ovog člana, jedan kandidat za člana Upravnog odbora JU „Kulturno-sportskog centra“ Zavidovići mora biti ispred stručnih radnika Javne ustanove JU „Kulturno-sportskog centra“ Zavidovići.

(3) Prilikom procjene posebnih uvjeta, kriteriji navedeni pod tačkama od e) do k) stava (1) ovog člana izrazit će se u bodovima od 1-5.

POGLAVLJE VI - JU „JAVNA BIBLIOTEKA“ ZAVIDOVIĆI

Član 11.

(Posebni uvjeti za imenovanje na upražnjene pozicije u JU „Javna biblioteka“ Zavidovići)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka f) ove Odluke su:

- a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS,
- b) najmanje tri godine radnog iskustva nakon sticanja visoke stručne spreme na poslovima visoke stručne spreme,
- c) da nije član nadzornog ili upravnog odbora, odnosno odbora za reviziju nekog privrednog društva ili institucije,
- d) da nije vlasnik ili član uprave privrednog društva ili institucije,
- e) sposobnost za savjesno i odgovorno obavljanje dužnosti upražnjenje pozicije,
- f) sposobnost nepristrasnog donošenja odluka,
- g) stručno znanje iz oblasti rada i organizacije privrednih društava i / ili institucija,
- h) komunikacijske i organizacijske sposobnosti,
- i) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,
- j) sposobnost upravljanja finansijskim i ljudskim resursima,
- k) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Osim posebnih uslova propisanih u stavu (1) ovog člana, jedan kandidat za člana Upravnog odbora JU „Javna biblioteka“ Zavidovići mora biti ispred stručnih radnika Javne ustanove JU „Javna biblioteka“ Zavidovići.

(3) Prilikom procjene posebnih uvjeta, kriteriji navedeni pod tačkama od e) do k) stava (1) ovog člana izrazit će se u bodovima od 1-5.

POGLAVLJE VII – JU „GRADSKI DJEČIJI VRTIĆ“ ZAVIDOVIĆI

Član 12.

(Posebni uvjeti za imenovanje direktora JU „Gradski dječiji vrtić“ Zavidovići)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka g) alineja 1) ove Odluke su:

- a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 180 ECTS bodova predškolskog odgoja,

pedagogije, specijalne pedagogije ili psihologije. Izuzetno, za direktora predškolske ustanove može biti imenovan i nastavnik predškolskog odgoja i obrazovanja.

b) Najmanje pet godina rada na poslovima odgoja i obrazovanja, a naročito da se ističe svojim radom u organizaciji odgojno-obrazovne djelatnosti,

c) da nije član nadzornog ili upravnog odbora, odnosno odbora za reviziju nekog privrednog društva ili institucije,

d) da nije vlasnik ili član uprave privrednog društva ili institucije,

e) sposobnost za savjesno i odgovorno obavljanje dužnosti upražnjenje pozicije,

f) sposobnost nepristrasnog donošenja odluka,

g) stručno znanje iz oblasti rada i organizacije privrednih društava i / ili institucija,

h) komunikacijske i organizacijske sposobnosti,

i) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,

j) sposobnost upravljanja finansijskim i ljudskim resursima,

k) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Prilikom procjene posebnih uvjeta, kriteriji navedeni pod tačkama od e) do k) stava (1) ovog člana izrazit će se u bodovima od 1-5.

Član 13.

(Posebni uvjeti za imenovanje Upravnog i Nadzornog odbora JU „Gradski dječiji vrtić“ Zavidovići)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka f) alineja 2) i 3) ove Odluke su:

a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS,

b) najmanje tri godine radnog iskustva nakon sticanja visoke stručne spreme na poslovima visoke stručne spreme,

c) da nije član nadzornog ili upravnog odbora, odnosno odbora za reviziju nekog privrednog društva ili institucije,

d) da nije vlasnik ili član uprave privrednog društva ili institucije,

e) sposobnost za savjesno i odgovorno obavljanje dužnosti upražnjenje pozicije,

f) sposobnost nepristrasnog donošenja odluka,

g) stručno znanje iz oblasti rada i organizacije privrednih društava i / ili institucija,

h) komunikacijske i organizacijske sposobnosti,

i) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,

j) sposobnost upravljanja finansijskim i ljudskim resursima,

k) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Kandidati za člana Upravnog odbora JU „Gradski dječiji vrtić“ Zavidovići ispred Vijeća roditelja JU „Gradski dječiji vrtić“ Zavidovići ne trebaju ispunjavati uslove iz tačke a) i b) stava (1) ovog člana, te moraju biti imenovani u Vijeće roditelja.

(3) Prilikom procjene posebnih uvjeta, kriteriji navedeni pod tačkama od e) do k) stava (1) ovog člana izrazit će se u bodovima od 1-5.

POGLAVLJE VIII - GRADSKO PRAVOBRANILAŠTVO ZAVIDOVIĆI

Član 14.

(Posebni uvjeti za imenovanje na upražnjene pozicije u Gradskom pravobranilaštvu Zavidovići)

(1) Posebni uvjeti za imenovanje na upražnjenu poziciju u reguliranim organima Grada Zavidovići iz člana 2. stav (1) tačka g) ove Odluke su:

- a) VSS, VII stepen stručne spreme ili visoko obrazovanje prvog, drugog ili trećeg ciklusa Bolonjskog sistema studiranja sa najmanje 240 ECTS bodova pravnog smjera,
- b) položen pravosudni ispit,
- c) najmanje četiri godine radnog iskustva nakon položenog pravosudnog ispita na pravnim poslovima u pravobranilaštvu, pravosudnim organima i drugim državnim organima, privrednim društvima / preduzećima i drugim pravnim osobama,
- d) da nije član nadzornog ili upravnog odbora, odnosno odbora za reviziju nekog privrednog društva ili institucije,
- f) da nije vlasnik ili član uprave privrednog društva ili institucije,
- g) sposobnost za savjesno i odgovorno obavljanje dužnosti upražnjene pozicije,
- h) sposobnost nepristrasnog donošenja odluka,
- i) stručno znanje iz oblasti rada i organizacije privrednih društava i / ili institucija,
- j) komunikacijske i organizacijske sposobnosti,
- k) sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje,
- l) sposobnost upravljanja finansijskim i ljudskim resursima,
- lj) rezultati ostvareni tokom poslovne karijere relevantni za obavljanje dužnosti upražnjene pozicije.

(2) Izuzetno od stava (1) ovog člana, za zamjenika gradskog pravobranioca može biti imenovan kandidat koji ima najmanje tri godine radnog iskustva nakon položenog pravosudnog ispita na pravnim poslovima u pravobranilaštvu, pravosudnim organima i drugim državnim organima, privrednim društvima / preduzećima i drugim pravnim osobama,

(3) Prilikom procjene posebnih uvjeta, kriteriji navedeni pod tačkama od g) do lj) stava (1) ovog člana izrazit će se u bodovima od 1-5.

DIO TREĆI - POSTUPAK IZBORA KANDIDATA NA UPRAŽNJENE POZICIJE

Član 15.

(Odgovorni javni službenik)

(1) Konačno imenovanje na upražnjene pozicije u organima definisanim u odredbama člana 2. ove Odluke, dužan je osigurati odgovorni javni službenik.

(2) Odgovorni javni službenik, u smislu odredbi Zakona o ministarskim, vladinim i drugim imenovanjima Federacije Bosne i Hercegovine jeste Gradsko vijeće Zavidovići.

Član 16.

(Odgovornost)

(1) Konačno imenovanje na upražnjene pozicije definisane odredbama člana 1. ove Odluke, vrši se uz poštivanje i primjenu načela zakonitosti, kvaliteta, javnosti i transparentnosti.

(2) Gradsko vijeće Zavidovići ima konačnu odgovornost da osigura da se sva imenovanja izvrše u skladu s postojećim zakonima, propisima i pravilima i odredbama ove Odluke.

Član 17. (Period imenovanja)

(1) Imenovanja na upražnjene pozicije, definisane odredbama ove Odluke, vrše se na period od četiri godine, uz mogućnost ponovnog izbora, izuzev:

a) imenovanja direktora JU „Dom zdravlja“ Zavidovići koji može biti imenovan najviše na još jedan mandat,

b) imenovanja zamjenika gradskog pravobranioca koji se imenuje na neodređeno vrijeme,

c) imenovanja direktora JU „Gradski dječiji vrtić“ Zavidovići koji se imenuje na period od četiri godine i može biti ponovno imenovan, stim da isto lice ne može biti uzastopno imenovano na više od dva mandata u istoj ustanovi, računajući i tekući mandat.

(2) Bez provođenja postupka iz člana 19. ove Odluke može izvršiti privremeno imenovanje na upražnjene pozicije u reguliranim organima do okončanja procedure po javnom oglasu, a najduže tri mjeseca od dana stupanja na snagu odluke o privremenom imenovanju, osim imenovanja gradskog pravobranioca.

(3) Izuzetno od prethodnog stava na pozicije iz člana 2. stav (1) tačka d) alineja 1), tačka e) alineja 1), tačka f) alineja 1), tačka g) alineja 1) ove Odluke može se imenovati vršilac dužnosti u skladu sa članom 31. Uredbe sa zakonskom snagom o ustanovama („Službeni list RBiH“, broj: 6/92, 8/93 i 13/94).

(4) U slučaju nemogućnosti imenovanja na pozicije iz člana 2. stav (1) tačka a) alineja 2) i tačka b) alineja 2) ove Odluke, Gradsko vijeće Zavidovići na navedene pozicije može imenovati punomoćnika u skladu sa članom 238. i 303. Zakona o privrednim društvima („Službene novine FBiH“, broj: 81/15) dok se imenovanje ne izvrši u skladu sa odredbama ove Odluke.

Član 18. (Ponovno imenovanje)

(1) U slučaju razrješenja dužnosti sa pozicije u reguliranom organu prije isteka mandata, novoimenovanom članu na poziciji u reguliranog organa može trajati do isteka mandata članova na pozicijama reguliranog organa koji nisu razrješeni.

(2) Izuzetno od prethodnog stava ovog člana, novoimenovanom kandidatu na poziciji direktora i gradskog pravobranioca u reguliranom organu mandat traje četiri godine.

DIO ČETVRTI - POSTUPAK KONAČNOG IMENOVANJA NA UPRAŽNJENE POZICIJE

Član 19. (Javni oglas)

(1) Javni oglas za upražnjene pozicije objavljuje se u „Službenim novinama Federacije Bosne i Hercegovine“ i u jednom dnevnom listu, većeg tiraža, s ciljem dostupnosti najširoj javnosti.

(2) Javni oglas za upražnjene pozicije treba sadržavati:

a) opis upražnjene pozicije, uključujući i pojedinosti o ulozi potencijalnog kandidata,

b) opće i posebne uslove utvrđene ovom Odlukom,

c) spisak potrebnih dokumenata, rok i mjesto za podnošenje prijava i

- d) druge potrebne uvjete i informacije.
- (3) Krajnji rok za podnošenje prijave je 15 dana od dana posljednjeg objavljivanja javnog oglasa.

Član 20.
(Komisija za izbor)

(1) Za provođenje postupka izbora kandidata za upražnjene pozicije utvrđene ovom Odlukom, formira se komisija za izbor iz reda državnih službenika organa uprave Grada Zavidovići.

(2) Imenovanje komisije za izbor vrši Gradsko vijeće Zavidovići, na prijedlog gradonačelnika na inicijativu nadležne gradske službe.

(3) Komisija za izbor se sastoji od pet članova iz reda državnih službenika organa uprave Grada Zavidovići koji posjeduju odgovarajuća stručna znanja iz oblasti primjene Zakona o ministarskim, vladinim i drugim imenovanjima u Federaciji Bosne i Hercegovine te drugih relevantnih propisa.

(4) Odredbe prethodnog stava ne primjenjuju se kod sastava komisije za izbora na upražnjene pozicija predsjednika i članova Upravnog odbora JU „Gradski dječiji vrtić“ Zavidovići.

(5) Komisiju za izbor iz stava (4) ovog člana čine tri člana i to po jedan predstavnik osnivača, vijeće roditelja i predškolske ustanove.

(6) Komisija za izbor u okviru svojih nadležnosti:

- a) vrši pregled prijave kandidata,
- b) provodi intervju sa prijavljenim kandidatima,
- c) sačinjava informaciju o provedenom postupku javnog oglašavanja s rang-listom kandidata i
- d) vrši i druge poslove koji proizilaze iz relevantnih zakona iz oblasti poslovanja privrednih društava i javnih ustanova i odredbi ove Odluke.

Član 21.
(Intervju)

(1) Po objavljenom oglasu i isteku roka za prijavu, komisija za izbor vrši uvid u sve prijave kandidata podnesene po javnom oglasu.

(2) Po izvršenom uvidu i pregledu prijave komisija za izbor, na osnovu propisanih općih i ostalih uslova, kao i na osnovu utvrđenih posebnih uslova, odnosno kriterija, sastavlja listu s užim izborom najboljih kandidata koji ispunjavanju kriterije za imenovanja.

(3) Svi kandidati koji su ušli u užu izbor pozivaju se na intervju.

(4) Intervju se obavlja na način kojim će se poštivati načela iz Zakona o ministarskim, vladinim i drugim imenovanjima Federacije Bosne i Hercegovine i ove Odluke.

Član 22.
(Rang-lista)

(1) Nakon provedenog intervju sa prijavljenim kandidatima i na osnovu u potpunosti dokumentovanih odluka svakog člana komisije za izbor, komisija utvrđuje rang-listu sa najboljim kandidatima i istu s informacijom o provedenom postupku javnog oglašavanja dostavlja gradonačelniku.

(2) Na osnovu rang-liste kandidata iz prethodnog stava ovog člana gradonačelnik donosi zaključak o utvrđivanju prijedloga kandidata za imenovanje na upražnjenu poziciju koja se dostavlja:

- a) Gradskom vijeću Zavidovići sa prijedlogom rješenja o imenovanju za:
- 1) Predsjednika i članove Skupštine JKP „Radnik“ d.o.o. Zavidovići,
 - 2) Predsjednika i članove Skupštine Razvojne agencije „RAZ“ d.o.o. Zavidovići,
 - 3) Predsjednika i članove Nadzornog odbora Razvojne agencije „RAZ“ d.o.o. Zavidovići,
 - 4) Predsjednika i članove Upravnog odbora JU „Dom zdravlja“ Zavidovići,
 - 5) Gradskog pravobranioca i zamjenika gradskog pravobranioca.
- b) Skupštini JKP „Radnik“ d.o.o. Zavidovići za imenovanje predsjednika i članova Nadzornog odbora JKP „Radnik“ d.o.o. Zavidovići.
- c) Nadzornom odboru JKP „Radnik“ d.o.o. Zavidovići za imenovanje direktora JKP „Radnik“ d.o.o. Zavidovići,
- d) Skupštini Razvojne agencije „RAZ“ d.o.o. Zavidovići za imenovanje direktora razvojne agencije „RAZ“ d.o.o. Zavidovići,
- e) Upravnom odboru JU „Dom zdravlja“ Zavidovići za imenovanje direktora JU „Dom zdravlja“ Zavidovići.
- f) Upravnom odboru JU „Centar za socijalni rad“ Zavidovići za imenovanje direktora JU „Centar za socijalni rad“ Zavidovići,
- g) Upravnom odboru JU „Kulturno-sportskog centra“ Zavidovići za imenovanje direktora JU „Kulturno-sportskog centra“ Zavidovići,
- h) Upravnom odboru JU „Javna biblioteka“ Zavidovići za imenovanje JU „Javna biblioteka“ Zavidovići,
- i) Upravnom odboru JU „Gradski dječiji vrtić“ Zavidovići za imenovanje direktora JU „Gradski dječiji vrtić“ Zavidovići.
- (3) U skladu s članom 12. Zakona o ministarskim, vladinim i drugim imenovanjima smatra se da je kandidat koji je prvi na rang-listi i kojeg je preporučila većina od ukupnog broja članova Komisije za izbor, najuspješnije prošao otvorenu konkurenciju.

Član 23. (Prigovor)

(1) U slučaju kada postoje dokazi da načela utvrđena Zakonom o ministarskim, vladinim i drugim imenovanjima Federacije Bosne i Hercegovine i ovom Odlukom, ili postupci nisu ispoštovani, može se podnijeti prigovor na konačno imenovanje.

(2) Prigovor se podnosi Gradskom vijeću Zavidovići, a kopija se dostavlja Ombudsmanu za ljudska prava Bosne i Hercegovine.

(3) Gradonačelnik je obavezan na prijedlog nadležne službe dostaviti Gradskom vijeću Zavidovići prijedlog odluke po prigovoru u roku od 15 dana od dana podnešenja prigovora.

Član 24. (Objavlivanje)

Sva konačna imenovanja se objavljuju se u „Službenim novinama Federacije BiH” ili „Službenom glasniku Grada Zavidovići”.

DIO PETI - PRELAZNE I ZAVRŠNE ODREDBE

Član 25. (Započeti postupci)

Postupci oglašavanja započeti do stupanja na snagu ove Odluke okončat će se prema odredbama Odluke važeće u vrijeme javnog objavljivanja.

Član 26.
(Naknada)

(1) Naknada za rad predsjednika i članova Upravnog odbora JU „Dom zdravlja“ Zavidovići odredit će se posebnom odlukom Gradskog vijeća Zavidovići, a za ostale pozicije u reguliranim organima iz člana 2. ove Odluke visinu naknade određuje se aktima reguliranih organa.

(2) Do donošenja akata iz stave (1) ovog člana isplaćivat će se naknade u visini koje su se isplaćivale do stupanja na snagu ove Odluke.

Član 27.
(Usklađivanje akata)

(1) Gradsko vijeće Zavidovići će u roku 30 dana od dana stupanja na snagu ove Odluke donijeti odluku iz člana 26. stav (1) ove Odluke.

(2) Regulirani organi iz člana 2. ove Odluke su dužni u roku 30 dana od dana stupanja na snagu uskladiti svoje akte sa ovom Odlukom.

Član 28.
(Primjene drugih propisa)

Na sva ostala pitanja koja nisu uređena ovom Odlukom, primjenjuje se Uredba sa zakonskom snagom o ustanovama, Zakon o privrednim društvima, Zakon o javnim preduzećima („Službene novine FBiH“, broj: 8/05, 81/08, 22/09 i 109/12), Zakon o zdravstvenoj zaštiti u Federaciji Bosne i Hercegovine („Službene novine FBiH“, broj: 46/10 i 75/13), Zakon o socijalnoj zaštiti, zaštiti civilnih žrtava rata i zaštiti porodice sa djecom („Službene novine ZDK“, broj: 13/07 i 13/11), Zakon o predškolskom odgoju i obrazovanju („Službene novine ZDK“, broj: 7/10) i Zakon o pravobranilaštvu („Službene novine ZDK“, broj: 7/10).

Član 29.
(Prestanak važenja)

Stupanjem na snagu ove Odluke prestaje da važi Odluka o standardima i kriterijima za imenovanje na upražnjene pozicije u reguliranim organima općine Zavidovići („Službeni glasnik Općine Zavidovići“, broj: 6/2014, 1/2015 i 3/2017), Odluka o standardima i kriterijima za imenovanje u Upravni odbor JU „Dom zdravlja“ Zavidovići („Službeni glasnik Općine Zavidovići“, broj: 2/2012, 2/2015 i 5/2020), Odluka o standardima i kriterijima za imenovanje u Skupštinu JKP „Radnik“ d.o.o. Zavidovići („Službeni glasnik Općine Zavidovići“, broj: 1/2020) Odluka o standardima i kriterijima za imenovanje u Nadzorni odbor JKP „Radnik“ d.o.o. Zavidovići („Službeni glasnik Općine Zavidovići“, broj: 18/2020) i Odluka o standardima i kriterijima za imenovanje direktora JU „Javna biblioteka“ Zavidovići („Službeni glasnik Općine Zavidovići“, broj: 2/2021).

Član 30.
(Stupanje na snagu)

Ova Odluka stupa na snagu prvog narednog dana od dana objavljivanja u „Službenom glasniku Grada Zavidovići“.

PREDSJEDAVAJUĆI
GRADSKOG VIJEĆA
(po ovlaštenju Gradskog vijeća)
broj: 01-04-3088/22-AP-6 od 29.12.2022. godine

Šemsudin Skejić, dipl. ing. maš.

TABELA ZA PROCJENE POSEBNIH UVJETA I KRITERIJA

Naziv uvjeta i kriterija	Broj dodijeljenih bodova (od 1 do 5 bodova)
Sposobnost za savjesno i odgovorno obavljanje dužnosti upražnjene pozicije	
Sposobnost nepristrasnog donošenja odluka	
Stručno znanje iz oblasti rada i organizacije privrednih društava i / ili institucija	
Komunikacijske i organizacijske sposobnosti	
Sposobnost tumačenja ekonomskih, tehnoloških i pravnih analiza i propisa iz nadležnosti reguliranog organa u koji se vrši imenovanje	
Sposobnost upravljanja finansijskim i ljudskim resursima	
Rezultati ostvareni tokom poslovne karijere relevantni za obavljanje dužnosti upražnjene pozicije	
UKUPAN BROJ BODOVA	
PROSJEČNA OCJENA (Ukupan broj bodova podijeljen sa 7)	

POTPIS ČLANA KOMISIJE

ORAZLOŽENJE

USTAVNOPRAVNI I ZAKONSKI OSNOV ZA UVOĐENJE ODLUKE

U članu 6. i 7. Zakona o ministarskim, vladinim i drugim imenovanjima Federacije Bosne i Hercegovine („Službene novine Federacije Bosne i Hercegovine“, broj: 12/03, 34/03 i 65/13) propisao je:

Član 6. (Odgovornost)

(1) Odgovorni javni službenik ima konačnu odgovornost osiguranja da se sva imenovanja vrše u skladu sa odredbama ovoga zakona, kao i osiguranja da se nijedno konačno imenovanje u regulirane organe ne izvrši ukoliko nisu primijenjene odredbe ovoga zakona.

(2) Odgovorni javni službenik je dužan osigurati da postupak imenovanja bude odgovarajući kako bi se prije konačnog imenovanja kandidata moglo ustanoviti postojanje bilo kakvog sukoba interesa koji bi bio prepreka navedenom imenovanju.

(3) Kriteriji za imenovanje na bilo koji položaj u reguliranom organu moraju biti odlučni i odnositi se na položaj koji se popunjava, te moraju jasno pokazati kako su odlučni za udovoljavanje potreba reguliranog organa za koji se predlaže imenovanja.

Član 7. (Standardi i kriteriji)

(1) Svi kandidati za imenovanje u regulirane organe dužni su ispunjavati sljedeće uvjete:

a) biti stariji od 18 godina.

b) nisu otpušteni iz državne službe kao rezultat disciplinske mjere na bilo kojoj razini u Bosni i Hercegovini (bilo na razni države ili entiteta) u razdoblju od tri godine prije dana objave upražnjenog položaja,

c) na njih se odnosi članak IX. 1. Ustava Bosne i Hercegovine.

(2) Osim ovih općih uvjeta, u svrhu određivanja temelja za izbor prema kvaliteti, odgovorni javni službenik će utvrditi standarde za izbor i ocjenjivanje u smislu stupnja naobrazbe, znanja, iskustva, poznavanja stranih jezika i drugoga, što je, prema njegovu mišljenju, neophodno ili poželjno s obzirom na prirodu poslova koje treba obavljati.

(3) Prilikom utvrđivanja ili primjene standarda iz stave (2) ovoga člana, odgovorni javni službenik neće vršiti diskriminiranje prema bilo kome na temelju rase, nacionalnog ili etničkog porijekla, boje, vjeroispovjesti, spola, bračnog statusa, obiteljskog statusa, invalidnosti ili postojanja osude za koju je izrečeno pomilovanje.

(4) Odgovorni javni službenik kriterije za imenovanje čuva u evidenciji.

RAZLOZI ZA UVOĐENJE ODLUKE I OBJAŠNJENJE ODABRANE POLITIKE

Odlukama iz člana 29. ove Odluke propisani su standardi i kriteriji za imenovanje za pojedine pozicije u reguliranim organima u kojima je Općina Zavidovići osnivač u potpunom udjelu. Također su standardi i kriteriji za imenovanje na pozicije regulisani aktima reguliranih organa čiji je osnivač Općina Zavidovići. U cilju propisivanja standarda i kriterija koji će se primjenjivati za imenovanje na upražnjene pozicije iz člana 2. ove Odluke jednom odlukom na jedinstven način, uz uvažavanje specifičnosti za pojedine pozicije propisane posebnim zakonima, predlaže se donošenje ove Odluke.

USKLAĐENOST ODLUKE S KANTONALNIM I FEDERALNIM ZAKONODAVSTVOM

Nacrt Odluke o standardima i kriterijima za imenovanja na upražnjene pozicije u reguliranim organima Grada Zavidovići usklađen je sa Zakonom o ministarskim, vladinim i drugim imenovanjima Federacije Bosne i Hercegovine kada je u pitanju nadležnost Gradskog vijeća Zavidovići za donošenje ove Odluke kao i ispunjavanje općih uslova za imenovanje na upražnjene pozicije regulisane ovom Odlukom.

Nadalje Nacrt Odluke o standardima i kriterijima za imenovanja na upražnjene pozicije u reguliranim organima Grada Zavidovići usklađen je sa zakonskim propisima koji regulišu pojedine oblasti iz nadležnosti reguliranih organa koji su predmet ove Odluke i to:

- Izvršeno je usklađivanje sa Zakonom o javnim preduzećima u Federaciji Bosne i Hercegovine („Službene novine FBiH“, broj: 8/05, 81/08, 22/09 i 109/12) i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala („Službene novine FBiH“, broj: 71/09, 33/10, 23/11, 83/11, 2/13, 80/13, 48/15, 60/16, 88/17 i 19/22) u dijelu imenovanja na upražnjene pozicije iz člana 2. stav (1) tačka a) ove Odluke (JKP „Radnike“ d.o.o. Zavidovići),

- Izvršeno je usklađivanje sa Zakonom o privrednim društvima u Federaciji Bosne i Hercegovine („Službene novine FBiH“, broj: 81/15) i Uredbom o usavršavanju predsjednika i članova nadzornih odbora i uprava privrednih društava sa učešćem državnog kapitala u dijelu imenovanja na upražnjene pozicije iz člana 2. stav (1) tačka b) ove Odluke (Razvojna agencija „RAZ“ d.o.o. Zavidovići),

- Izvršeno je usklađivanje sa Zakonom o zdravstvenoj zaštiti u Federaciji Bosne i Hercegovine („Službene novine FBiH“, broj: 46/10 i 75/13), Pravilnikom o uvjetima u pogledu vrste završenog fakulteta zdravstvenog usmjerenja koje moraju ispuniti osobe koja konkurišu za direktora zdravstvene ustanove („Službene novine FBiH“, broj: 77/17), Pravilnikom o kontinuiranoj profesionalnoj edukaciji iz zdravstvenog menadžmenta („Službene novine FBiH“, broj: 6/20) i Statutom Općine Zavidovići u dijelu imenovanja na upražnjene pozicije iz člana 2. stav (1) tačka c) ove Odluke (JU „Dom zdravlja“ Zavidovići),

- Izvršeno je usklađivanje sa Uredbom sa zakonskom snagom o ustanovama („Službeni list RBiH“, broj: 6/92, 8/93 i 13/94) koja se primjenjuje kao Federalni zakon temeljem člana IX 5. Ustava Federacije Bosne i Hercegovine i Zakonom o socijalnoj zaštiti, zaštiti civilnih žrtava rata i zaštiti porodice sa djecom („Službene novine ZDK“, broj: 13/07 i 13/11) u dijelu imenovanja na upražnjene pozicije iz člana 2. stav (1) tačka d) ove Odluke (JU „Centar za socijalni rad“ Zavidovići),

- Izvršeno je usklađivanje sa Uredbom sa zakonskom snagom o ustanovama koja se primjenjuje kao Federalni zakon temeljem člana IX 5. Ustava Federacije Bosne i Hercegovine u dijelu imenovanja na upražnjene pozicije iz člana 2. stav (1) tačka e) ove Odluke (JU „Kulturno-sportski centar“ Zavidovići),

- Izvršeno je usklađivanje sa Uredbom sa zakonskom snagom o ustanovama koja se primjenjuje kao Federalni zakon temeljem člana IX 5. Ustava Federacije Bosne i Hercegovine u dijelu imenovanja na upražnjene pozicije iz člana 2. stav (1) tačka f) ove Odluke (JU „Javna biblioteka“ Zavidovići),

- Izvršeno je usklađivanje sa Uredbom sa zakonskom snagom o ustanovama koja se primjenjuje kao Federalni zakon temeljem člana IX 5. Ustava Federacije Bosne i Hercegovine i Zakonom o preškolskom odgoju i obrazovanju („Službene novine ZDK“, broj: 7/10) u dijelu imenovanja na upražnjene pozicije iz člana 2. stav (1) tačka g) ove Odluke (JU „Gradski dječiji vrtić“ Zavidovići) i

- Izvršeno je usklađivanje sa Zakonom o pravobranilaštvu („Službene novine ZDK“, broj: 7/10) u dijelu imenovanja na upražnjene pozicije iz člana 2. stav (1) tačka h) ove Odluke (Gradsko pravobranilaštvo Zavidovići).

OBRAZLOŽENJE PRAVNIH RJEŠENJA U ODLUCI

U članu 2. ove Odluke propisane su pozicije u reguliranim organima za koje se propisuju standardi ili kriteriji koji se primjenjuju za imenovanje na iste.

U članu 4. stav (2) propisan je način dodjele bodova prilikom rangiranja kandidata, tako da će se rang-lista najboljih kandidata koji mogu biti imenovani na upražnjenu poziciju utvrditi na osnovu izračuna bodova putem propisanog obrasca.

Za sve pozicije propisani su isti uvjeti u pogledu stručne spreme i potrebnog radnog staža u struci, osim za pozicije koje zbog posebnih zakona koji regulišu određenu oblast propisuju drugačije uslove. Navedeni izuzeci se odnose na direktora i članove Upravnog odbora JU „Dom zdravlja“ Zavidovići, direktora i članove Upravnog odbora JU „Gradski dječiji vrtić“ Zavidovići, te za općinskog pravobranioca i njegovog zamjenika zbog primjene Zakona o zdravstvenoj zaštiti u Federaciji Bosne i Hercegovine i podzakonskih akata, Zakona o predškolskom odgoju i obrazovanju i Zakona o pravobranilaštvu.

U članu 17. stav (1) propisana je mogućnost ponovnog imenovanja svih kandidata na upražnjene pozicije izuzev pozicije direktora JU „Dom zdravlja“ Zavidovići, zamjenika gradskog pravobranioca i direktora JU „Gradski dječiji vrtić“ Zavidovići. Naime, u članu 66. stav (11) i (12) Zakona o zdravstvenoj zaštiti propisano je da mandat direktora traje četiri godine. Po isteku mandata ista osoba može, na temelju javnoga oglasa, ponovno biti imenovana za direktora u istoj zdravstvenoj ustanovi, ali najviše za još jedno mandatno razdoblje. U članu 33. stav (3) Zakona o pravobranilaštvu propisano je da se općinski pravobranilac imenuje na četiri godine i može biti ponovo biran, dok za zamjenika mandat nije vremenski ograničen. U članu 41. stav (4) Zakona o predškolskom odgoju i obrazovanju propisano je Direktor predškolske ustanove imenuje se na period od četiri godine i može biti ponovno imenovan. Isto lice ne može biti uzastopno imenovano na više od dva mandata u istoj ustanovi, računajući i tekući mandat.

U članu 17. stav (4) propisano je da u slučaju nemogućnosti imenovanja Skupštine JKP „Radnik“ d.o.o. Zavidovići i člana Skupštine Razvojne agencije „RAZ“ d.o.o. Zavidovići na osnovu javnog oglasa ili nakon isteka perioda od tri mjeseca privremenog imenovanja, tada se pristupa imenovanju punomoćnika u skladu sa članom 238. i 303. Zakona o privrednim društvima.

U članu 18. regulisano je imenovanje na upražnjene pozicije u slučaju razrješenja prije isteka mandata, na način da se imenovanje na poziciju sa koje je razrješen kandidat imenuje novi kandidat na period do isteka mandata članova na pozicijama reguliranog organa koji nisu razrješeni. Navedeno pravilo se neće primjenjivati na imenovanje direktora i gradskog pravobranioca u reguliranim organima, te je propisano da će se direktori i gradski pravobranilac u navedenim situacijama imenovati ponovo na period od četiri godine.

U članu 20. propisan je način i sastav komisija za izbor kandidata za upražnjene pozicije, te je u stav (4) i (5) propisan poseban sastav komisije za izbor na upražnjene pozicija predsjednika i članova Upravnog odbora JU „Gradski dječiji vrtić“ Zavidovići u skladu sa članom 39. stav (3) Zakona o predškolskom odgoju i obrazovanju u vezi sa članom 9. stav (3) i (4) Zakona o ministarskim vladinim i drugim imenovanjima Federacije Bosne i Hercegovine. Naime, konkurs raspisuje i provodi komisija koju čini po jedan predstavnik osnivača, vijeća roditelja i predškolske ustanove, a koju imenuje osnivač. Prilikom imenovanja komisije za izbor vodi se računa o zakonu ili statutu na osnovu kojeg je osnovan organ. Ako je u tom zakonu ili statutu o osnivanju organa propisan posebni postupak izbora ili sastava komisije za izbor na pozicije u reguliranom organu tada se postupa po odredbama tog zakona ili statuta. Ako je organ u kojem se vrši imenovanje u cjelokupnom vlasništvu nadležnog organa i nadležni organ ima potpuno ovlaštenje za imenovanje u reguliranom organu tada odgovorni javni službenik samostalno imenuje komisiju za izbor iz stava 2. ovog člana, te se komisija sastoji od uposlenika tog organa.

PROVEDBENI MEHANIZMI I NAČIN OSIGURAVANJA POŠTIVANJA ODLUKE

Provedbeni mehanizmi i način osiguravanja poštivanja ove Odluke propisani su Zakonom o ministarskim, vladinim i drugim imenovanjima u Federaciji Bosne i Hercegovine kroz principe imenovanja propisane u članu 3. Zakona, te kroz mehanizam odgovornosti odgovornog javnog službenika, javnosti, transparentnosti i pravo prigovora propisanim u članovima 6., 7., 8., 13. i 16. istog Zakona.

OBRAZLOŽENJE FINANSIJSKIH SREDSTAVA ZA PROVOĐENJE ODLUKE I FINANSIJSKI EFEKTI ODLUKE

Za provođenje ove Odluke nije potrebno planirati finansijska sredstva u Budžetu Grada Zavidovići.

OPIS KONSULTACIJA VOĐENIH U PROCESU IZRADE ODLUKE

Gradonačelnik je 13.07.2020. godine donio Rješenje broj: 02-04-1864/20-AP-2 za izradu Nacrta Odluke, formirao Komisiju za izradu Nacrta Odluke o standardima i kriterijima za imenovanje na upražnjene pozicije u reguliranim organima Općine Zavidovići. Tokom izrade Nacrta Odluke vršene su konsultacije na sjednicama Kolegija Gradonačelnika po Nacrtima Odluke, a koje je izradila Komisija.

GRADONAČELNIK

doc. dr. Hašim Mujanović

Obradila: _____
(Nadina Mehinagić)

Kontrolisao: _____
(Idriz Alihodžić)